

թիւնները: Նա մատնանշել է, որ բացի արտաքին ուժերի ազդեցութեան տակ հայերի և թաթարներին միջև ծագած դժգոհութիւնից, այլ Երևոյթ նկատելի է: Հայը ապրում է միւս ազգերի հետ հաշտ ու համերաշխ: Թաթարներին և հայերի սահամաձայնութիւնն էլ ժամանակաւոր է, ընդգծել է նա. երբ վերջնականապէս Հայաստանը ճանաչել տանք, ինչպէս նաև Տաճկաստանի կողմից, թիւրիմացութիւնները կը վերանան բոլորովին:

Մասնաժողովին զբաղեցրել է մի ուրիշ խնդիր ևս. Հայաստանը ստեղծում է դժուարին պայմաններում. այդ բանը մատնանշել է լորդ Քըր-զընը իր մի ճառում՝ ասելով, թէ չկայ աւելի դժուար բան, քան Հայաստանի ստեղծումը. մինչդեռ միւս նորակազմ պետութիւնները իրենց ժողովուրդներն ամփոփած ունեն իրենց սահմանների մէջ, Հայաստանի ժողովուրդը ցրու է եկած ամէն կողմ: Ահա այդ հարցն է զբաղեցրել մասնաժողովին, և նա մեր պատւիրակութիւնից պահանջել է տեսնել այն մասին, թէ հնարաւոր է դժած սահմանների մէջ հայ տարրի մեծամասնութիւն կազմելը և թէ դադարավայրերի հայերը հայրենիք կը վերադառնա՞ն: Ի հարկէ, պահանջած տեսնելը մանրամասն վիճակադրական տեղեկութիւններով ներկայացւած են մասնաժողովին:

Մարտ 30-ին տեղի է ունեցել վերջին նիստը, ուր և պատրաստել է գեկուցում Սան Ռէմօի խորհրդաժողովի համար:

Այդ ժամանակամիջոցում Ազգերի Դաշնակցութեան առաջարկած է եղել զննելու Հայաստանի մանդատի խնդիրը. ընտրել է մի մասնաժողով, որ և զբաղւել է այդ հարցով. նրա կողմից մշակած է օկուպացիայի ծրագիրը: Մասնաժողովին զխաւորապէս զբաղեցրել է այն հարցը, թէ ով պէտք է վերցնի պատասխանատուութիւնը, ըստ որում հարցում է ուղղւած մեր պատւիրակութեան, թէ՛ եթէ ոչ մի պետութիւն յանձն չառնի Հայաստանի հոգատարութիւնը, հայ ժողովուրդը սեփական ուժերով կարո՞ղ է նման պարտականութիւն վերցնել իր վրա: Պատւիրակութիւնը պատասխանել է, որ եթէ ոչ մէկը չզտնուի, ի հարկէ, հայ ժողովուրդը պատրաստ է իր ուժերով կազմակերպել իր պետութիւնը: Անդլիտի փարչապետն ևս իր ճառում մատնանշել է այդ հանգամանքը՝ ասելով, թէ հայը կենսունակ ժողովուրդ է, կարող է 40,000-անոց բանակ կազմակերպել, նաև թէ հայերը պէտք է սովորեն իրենց բախտը տնօրինելու սեփական ուժերով:

Սան Ռէմօի խորհրդաժողովը սպրիլ 28-ին վերջացրել է իր աշխատանքները. մայիս 10-ին Տաճկաստանի պատւիրակները Փարիզում պէտք է ստանան պայմանագիրը, որի վաւերացումից յետոյ կորոշւի նաև Հայաստանի բախտը:

Հիւսիսային սահմանների վերաբերմամբ մեր տեսակէտն այն է, որ հարևան հանրապետութիւնների հետ խաղաղ բանակցութիւն վարելով պէտք է վերջնական համաձայնութեան գանձ: Վրաստանի կողմից ընդունւած է մեր տեսակէտը: Ազրբէջանի հետ բանակցելու բազմաթիւ փորձեր եղան, բայց, ցաւօք սրտի պէտք է մատնանշենք, որ նրա նախկին կառավարութեան բռնած դիրքը Հայաստանի վերաբերմամբ վերացնում է բանակցութեան ամէն մի հնարաւորութիւն. նա յամառօրէն դժում էր իր սահմաններն այնպէս, որ մէջ է առնում Հայաստանի մեծ մասը. այդպիսի նախադժի շուրջը մենք բանակցութիւն վարել անկարող էինք:

Ամերիկան չարունակում է հետաքրքրել մեր դատով. ապրիլ 6-ին ամերիկեան սենատը մերժել է վաւերացնել Վերսայի դաշնագիրը և Ազգերի Դաշնակցութեան կանոնադրութիւնը ու յայտնել է նախագահ Վիլսոնին, որ պատերազմական դրութիւնը Գերմանիայի հետ վերացւած է: Դրանից յետոյ առաջարկւել է մի բանաձև ճանաչելու Հայաստանի անկախութիւնը, որի